

Zeitschrift: Il glogn : calender dil pievel : annalas per historia, litteratura e cultura romontscha

Band: 15 (1941)

Artikel: [Poesias]

Autor: Sialm, Gion B.

DOI: <https://doi.org/10.5169/seals-881159>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 02.04.2026

ETH-Bibliothek Zürich, E-Periodica, <https://www.e-periodica.ch>

Canzun della cargada

Halífo, hufu!
Mein ad alp, giufu!
Radiplim, radiplam,
stgellinam dil biestgam!
Plim plam, plim plum!

Sun il paster, in um
che vus meina sísum!
Rebattend mulimu,
vegn il muvel sissu:
Plim plam, plim plum!

A cantond halífo,
va'l signun siado,
epi cloma traso:
puscha, neu, hoho!
Plim plam, plim plum!

Il cavrer denteren
va plí spert, ridischen!
Cun scalin e bransin,
co quei tuna schi fin:
plim plim, plim plim!

Il davos vegn il pur
sco sch'el fuss il signur.
E dal tschiel neuagiu
benedesch' il bien Diu.
plim plam, plim plum!

Sur Gion Batt. Sialm, Pleiv-Vella

Flur alpina

*Cara flur, ti flur alpina,
tei salid'jeu cun ardur!
Creschas mo ell'aria fina,
ti simbol de bial'amur!
Giufu!*

*Il suleagl gl'emprem salida
tei marvegl cun s'aurur.
E la glina sez s'envida
vida tei el fin azur.
Giufu!*

*Leu il paster sin capiala
porta tei cun ton quitau,
passa losch sco ina biala
cun tschupi d'honor sin tgau.
Giufu!*

*Tut cutschnida sco burnida,
ti respiras dultsch'odur,
che mi'olma vegn surprida
e resuna da sinzur.
Giufu!*

*Cun manutta tut festiva
prend'jeu tei cun grond adatg
e caveglel giest en stiva
sin la meisa per miu matg.
Giufu!*

Sur Gion Batt. Sialm, Pleiv-Vella